



3. februar 2023

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquaqateqarpunga:

**Naalakkersuisunut apeqquaqaatit:**

- 1. Suna tunngavigalugu Royal Arctic Line nunatta avataanut angallassinermi akigitinneartut 32 procentimik qaffannissaanik kissaateqarsimaneranut Naalakkersuisut akuersisimappat?**
- 2. Nunarsuup sinnerani assartuinikkut akit maannakkut qaffakkiartunngikkaluartut, Royal Arctic Line aamma Naalakkersuisut akitigut qaffaanissap pisariaqarneranut naliliisimanerannut suut tunngaviuppat?**
- 3. Ilaatigut GE aamma Royal Greenland aalisarluni inuussutissarsiuteqarnermi unammilleqatigiissinnaanermut akit qaffannerisa annertuumik sunniuteqarnissaanut ernummateqarnerat Naalakkersuisut assinganik isumaqarnerlutik? Akissut tunngavilersorneqarnissaa kissaatigineqarpoq.**
  - a. Tamatuma ilutigisaanik Naalakkersuisunut ajunngiinnarnerluni, assartuinerlutik akit qaffanneqarnerisa kingunerisaanik aalisartumut tunisinermi akit appariaateqassappata?**
- 4. Pineqartumut Naalakkersuisut allanik paasissutissiisinnaanerlutik?**

(Inatsisartunut ilaasortaq Jens-Frederik Nielsen, Demokraatit)

#### **Tunngavilersuut**

Demokraatiniit paasisinnaangilluinnarparput sooq nunatta avataanut assartuinerlutik 32 procentimik annertutigisumik Royal Arctic Line aamma Naalakkersuisut qaffaanissamik pisariaqartitsisimanerat. Qaffaaneg annertooujussuuvog, avammut niuertutsinnut ingammik aalisarluni inuussutissarsiuteqartunut sunniuteqartussa.

Suliffeqarfiit nunatta avataanut unammillersinnaaneq pitsaasoq qulakkeerniarlugu, aalisartumut tunisinermi akitigut appaasoqarnissaanik, akit qaffanneqrisa kinguneqarnissaa Demokraatiniit ernummatigaarput. Allatut oqaatigalugu Royal Arctic Line aamma Naalakkersuisut iliuuserisaat una, aalisartut annikinnerusumik aningaasarsiuulernissaanik kinguneqassasoq ernummatigaarput. Tamanna isumaqatiginngilluinnarparput.

Naalakkersuisut partiillu tunuliaqutaasut piffissaq taama sivikitsigisup iluani aammalu taama sakkortutigisumik Kalaallit Nunaanni avammut tunisassiorsinnaanissamut taama ajornarsititsisoqarnerisooq nassuiaateqartoqarnissaanik tunngavilersortariaqarput.

Apeqquqtit ullut qulit suliffiusut iluanni akineqareersimanissaat kissaatigaara.